

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ
ԲՈՂՈՔՆԵՐ ՔՆՆՈՂ ԱՆՁ**

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԷՍ-2019/11, 25.01.2019թ.

Բողոք բերող անձ՝ «ԱՐՑԱԽ ԿԱՐԻ-ԿՈՇԻԿԻ ԱՐՏԱԴՐԱԿԱՆ ՄԻԱՎՈՐՈՒՄ» ՓԲԸ

Պատվիրատու ՀՀ ՊԱՇՏՊԱՆՈՒԹՅԱՆ ՆԱԽԱՐԱՐՈՒԹՅՈՒՆ

Ընթացակարգի ծածկագիրը՝ «ՀՀ ՊՆ ՆՏԱԴ-ԷԱՃԱՊՁԲ-7/43» ծածկագրով էլ.աճուրդ

Գնման առարկա Կոշկեղենի ձեռքբերում

Բողոքի պահանջը՝

Պարտավորեցնել ՀՀ պաշտպանության նախարարության կարիքների համար էլեկտրոնային աճուրդի միջոցով կոշկեղենի ձեռքբերման նպատակով հայտարարված «ՀՀ ՊՆ ՆՏԱԴ-ԷԱՃԱՊՁԲ-7/43» ծածկագրով էլ.աճուրդի գնահատող հանձնաժողովին չկայացած հայտարարել նշված էլ.աճուրդը:

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու

օրվանից մինչև բողոքարկման վերաբերյալ ընդունված որոշման՝ տեղեկագրում
հրապարակման օրը ներառյալ:

ՀՀ գնումների հետ կապված բողոքներ քննող անձին

Բողոք բերող՝ «Արցախի Կարի-Կոշիկի Արտադրական Միավորում» ՓԲԸ
Հասցե՝ ԱՀ, ք. Ստեփանակերտ, Ա.Առաքելյան 16
հեռ: (+37410) 566 – 436
Էլ.փոստ՝ info@artsakhgroup.am

Պատվիրատու՝ ՀՀ պաշտպանության նախարարություն
Հասցե՝ ՀՀ, ք. Երևան, Բազրևանյի 5

Գնման ընթացակարգի ծածկագիրը և առարկան՝
ՀՀ պաշտպանության նախարարության կարիքների համար «ԿՈՇԿԵՂԵՆԻ» ձեռքբերման նպատակով հայտարարված ՀՀ ՊՆ ՆՏԱԴ-ԷԱՃԱՊՁԲ-7/43 ծածկագրով էլեկտրոնային աճուրդ

ԲՈՂՈՔ

• Գործի հակիրճ նկարագրությունը և բողոքի փաստերը.

ՀՀ պաշտպանության նախարարության կարիքների համար էլեկտրոնային աճուրդի միջոցով ԿՈՇԿԵՂԵՆԻ ձեռքբերման նպատակով հայտարարվել է «ՀՀ ՊՆ ՆՏԱԴ-ԷԱՃԱՊՁԲ-7/43» ծածկագրով էլեկտրոնային աճուրդ (այսուհետև՝ Աճուրդ):

Համաձայն Ընթացակարգի հրավերի «Տեխնիկական բնութագիր-գնման ժամանակացույցի», սահմանվել են այնպիսի խտրական պարամետրեր, որոնք համապատասխանում են բացառապես մեկ ընկերության արտադրանքի:

Հաշվի առնելով վերոնշյալ հանգամանքը՝ «Արցախի Կարի-Կոշիկի Արտադրական Միավորում» ՓԲԸ-ն հարցում է ներկայացրել ՀՀ պաշտպանության նախարարությանը, որով մասնավորապես նշել՝

«1. Տեղեկացնում ենք Ձեզ, որ ՀՀ ՊՆ ՆՏԱԴ-ԷԱՃԱՊՁԲ-7/43 ծածկագրով մրցույթի 1,2 չափաբաժիններում նշված կոշիկ ճտքավոր ԴՕՄ-447-91-ը վերաբերվում է քրոմային երկշերտ կաշվից անհատական պատվերով արտադրվող զինվորական կոշիկներին:

2. Ճտքերի, լեզվակի, երեսամասի և հետնամասի կաշիների հաստությունները տեխնիկական բնութագրում նշված է 1.2-2.00մմ ընդհանուր հաստությամբ, մինչդեռ զինվորական ճտքավոր կոշիկի արտադրության մեջ նախատեսված է՝ երեսամաս, հետնամաս - 1.8-2.2մմ հաստությամբ կաշիներ, լեզվակ, ճտքեր- 1.2-1.5մմ հաստությամբ կաշիներ:

2855-19
25 01 19

3. Տեխնիկական բնութագրում նշված է, որ, ներսի հանովի-դնովի ներդիրը՝ EVA նյութից, օրթոպեդիկ տեսակի՝ համալրված հակաբակտերիալ մշակմամբ աստառով, այնինչ օրթոպեդիկ ներդիրը ունի բժշկական նշանակություն, կիրառվում է բժշկության ոլորտում և արտադրվում է յուրաքանչյուր մարդու համար անհատապես՝ վերցված ոտքի հետքի հիման վրա և այն նախատեսված չէ մասայական արտադրության համար:

4. Բարձր ճնշմամբ սունձման եղանակով տակացուի ամրացման դեպքում, նշված է՝ ևրեսամասի և ներսի ճռքի աստառները արտադրվում են բնական հումքից, անհրաժեշտ է շեշտել բնական հումքի թույլատրելի տեսակները և հատկանիշները, իսկ ձուլման եղանակով տակացուի ամրացման դեպքում Statex տիպի կամ համարժեք աստառային նյութից: Խնդրում ենք մեկնաբանել ինչ հատկանիշներ և ցուցանիշներ ունի Statex կոչվող նյութը:

5. Միջատակը բաղկացած է իրար սոսնձվող կարակցված բնական հումքից (պաղոշ) և կոշիկի համար նախատեսված սովորաբար թից, բացակայում են նշված նյութերի հաստությունները:

6. Բարձր ճնշմամբ սունձման եղանակով տակացուի ամրացման դեպքում խնդրում ենք պարզաբանել երկրորդ ներբանի անհրաժեշտությունը, քանի որ նշված ամրացման եղանակը չի ենթադրում երկրորդ բարակ ներբանի առկայությունը :

7. Ձուլման եղանակով տակացուի ամրացման դեպքում նշված չեն պիտակավորման և կրման ժամանակահատվածի պահանջները:

8. 6-րդ չափաբաժնում նշված է, որ կոշիկը պետք է ունենա կողերից ձգվող ժապավեն (շտիբլետ), ինչն անհրճարին է, քանի որ կոշիկի կառուցվածքում բացակայում են լեզվակը և կտրվածքներ, որոնց ամրացման համար է անհրաժեշտ ձգվող ժապավենը(շտիբլետ):

Վերը նշված խնդիրների վերաբերյալ խնդրում ենք տալ պարզաբանումներ և կատարել անհրաժեշտ փոփոխություններ 1,2, 6 չափաբաժինների տեխնիկական բնութագրերում»:

Ի պատասխան վերոնշյալ հարցումներին ՀՀ պաշտպանության նախարարության կողմից ստացվել է հետևյալ պարզաբանումները՝

«1-ին հարցադրման վերաբերյալ, 1-ին և 2-րդ չափաբաժիններում ԳՈՍՍ-ը վերաբերվում է նաև տվյալ չափաբաժիններում ներառված գնման առարկաներին,

2-րդ հարցադրման վերաբերյալ, կաշվին ներկայացվող 1.2-ից 2 մմ հաստությամբ լինելու պահանջը ներառվել է ընդհանուր՝ հաշվի առնելով գնման առարկայի բաղկացուցիչ տարբեր մասերի համար պահանջվող կաշվի հաստությունները, իսկ յուրաքանչյուրի համար պահանջվող չափերը կարգավորվում են նորմատիվ փաստաթղթերով:

3-րդ հարցադրման վերաբերյալ. EVA օրթոպեդիկ բնութագրիչը ենթադրում է, որ գնման առարկայի ներդիրը պետք է ապահովի բարձր էլաստիկություն, առաձգականություն և ճկունություն,

4-րդ հարցադրման վերաբերյալ. Հայտնում եմ, որ բնական հումքն իրենից ներկայացնում է բնական կաշվից կամ վերջինիս հիմքով ստացված և կոշիկի արտադրությունում օգտագործվող բաղադրիչներ, statex նյութն իրենից ներկայացնում է խոնավադիմացկուն գործվածքից կտոր կամ արհեստական ցանցանման կտոր:

5-րդ հարցադրման վերաբերյալ. նշված նյութերի հաստությունները կանոնակարգված են գնման առարկային վերաբերվող նորմատիվ փաստաթղթերով,

6-րդ հարցի վերաբերյալ. երկրորդ ներբանի առկայության պահանջը պարտադիր է,

7-րդ հարցի վերաբերյալ. պիտակավորման և կրման ժամկետների վերաբերյալ պահանջը ընդհանուր են և վերաբերվում են նշված երկու եղանակով պատրաստման ենթակա գնման առարկաներին,

8-րդ հարցի վերաբերյալ. 6-րդ չափաբաժնում ներառված գնման առարկան ընդունելի է առանց կողերից ձգվող ժապավենի առկայության: ՀՀ ՊՆ ՆՏԱԴ-ԷԱՃԱՊՁԲ-7/43 ծածկագրով էլեկտրոնային աճուրդի գնահատող հանձնաժողովից»:

• *Բողոքի իրավական հիմքերը և հիմնավորումները.*

«Գնումների մասին» ՀՀ օրենքի (այսուհետև նաև՝ Օրենք) 3-րդ հոդվածի 2-րդ մասի 1-ին և 2-րդ կետերի համաձայն՝ գնումների գործընթացը հիմնվում է հետևյալ սկզբունքների վրա.

1) գնման գործընթացի *միասնական կանոններով* մրցակցային, թափանցիկ, *համաչափ*, հրապարակային և ոչ խտրական հիմունքներով կազմակերպում.

2) պայմանագրի կնքման նպատակով *մասնակիցների շրջանակի ընդլայնում և նրանց միջև մրցակցության խրախուսում:*

Օրենքի 13-րդ հոդվածի 2-րդ մասի համաձայն՝ գնման առարկայի բնութագրերը՝

1) պետք է մրցակցության հավասար պայմաններ ապահովեն հնարավոր մասնակիցների համար.

2) չպետք է հանգեցնեն գնումների գործընթացում մրցակցության համար *չհիմնավորված խոչընդոտների առաջացմանը.*

3) պետք է լինեն օբյեկտիվորեն հիմնավորված և համարժեք լինեն այն կարիքին, որի բավարարման նպատակով կատարվում է տվյալ գնումը...:

Գտնում ենք, որ «ՀՀ ՊՆ ՆՏԱԴ-ԷԱՃԱՊՁԲ-7/43» ծածկագրով էլ. աճուրդի գնահատող հանձնաժողովի կողմից հրավերը կազմելիս՝ թույլ է տրվել Օրենքի վերաշարադրված պահանջների խախտում:

Օրենքի 50-րդ հոդվածի 2-րդ մասի 2-րդ կետի համաձայն՝ եթե բողոքը ներկայացրած անձը բողոքարկում է գնման առարկայի բնութագրերը, նախատրակալորման հայտարարության կամ հրավերի պահանջները, ապա բողոքը ներկայացվում է մինչև հայտերի ներկայացման վերջնաժամկետը:

Նույն հոդվածի 7-րդ մասի 1-ին կետի «բ» պարբերության համաձայն՝ ՀՀ գնումների հետ կապված բողոքներ քննող անձն իրավունք ունի պատվիրատուի և գնահատող հանձնաժողովի գործողությունների կամ անգործության վերաբերյալ ընդունելու հետևյալ որոշումները.

բ. պարտավորեցնելու ընդունել համապատասխան որոշումներ, ներառյալ՝ չկայացած հայտարարելու գնման ընթացակարգը, բացառությամբ պայմանագիրը անվավեր ճանաչելու մասին որոշման:


Հաշվի առնելով, որ Աճուրդի հայտերի ներկայացման ժամկետը դեռևս ավարտված չէ, ուստի ղեկավարվելով Օրենքի ՀՀ օրենքի 50-րդ հոդվածի 2-րդ մասի 2-րդ կետի և 7-րդ մասի 1-ին կետի «բ» պարբերության պահանջներով՝ ՀՀ գնումների հետ կապված բողոքներ քննող անձին

ԽՆԴՐՈՒՄ ԵՄ՝

Պարտավորեցնել ՀՀ պաշտպանության նախարարության կարիքների համար էլեկտրոնային աճուրդի միջոցով «ԿՈՇԿԵՂԵՆԻ» ձեռքբերման նպատակով հայտարարված «ՀՀ ՊՆ ՆՏԱԴ-ԷԱՃԱՊՁԲ-7/43» ծածկագրով էլեկտրոնային աճուրդի գնահատող հանձնաժողովին չկայացած հայտարարել գնման ընթացակարգը:

Առդիր՝ 2 թերթ:

Հարգանքով՝

«Արցախ Կարի-Կոշիկի Արտադրական Միավորում» ՓԲԸ-ի տնօրեն՝  Գ.Սանուչարյան

